

# INUIT ATAQATIGIIT INATSISARTUNI



14. august 2025

UKA2025/94

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Isertitat annertussusaat malillugit utoqqalinermi soraarnerussutisiat ilanngarneqartarunnaarlutilluunniit atorunnaarsinneqartarunnaarsillugit, Naalakkersuisut utoqqalinersiaqarneq pillugu Inatsisartut inatsisaannut allannguutissatut siunnersuummik suliaqarnissamik peqquneqarnissaannik Inatsisartunut aalajangiiffigisassatut siunnersuut. Allaannguutissatut siunnersuut UKA 2026-mi saqqummiunneqassaaq.**

(Inatsisartunut ilaasortaq Paarma Lund Kreutzmann, Inuit Ataqatigiit)

## **Tungavilersuut:**

Ullumikkut sulisinnaasut tamaasa pisariaqartippagut siunissamilu pisariaqartitsinerput milliartortussaani. Utoqqartagut ukiorpassuarni sulereerlutik soraarninngortut ataqqissavagut inuiaqatigiinnullu tunniussaannut qutsavigalugit. Utoqqartagulli suli sulisinnaasuseqarluartunik ilaqarput, taakkuukkaajuppullu piginnaasanik misilittakanillu nalituunik pisariaqartilluinnaklatsinnik pigisallik. Taamaattoq sulerusussusaat killilerneqartarpoq.

Tassami inatsit ima sanaajuvoq; utoqqalinersiaqartut utoqqalinersiamik saniatigut sulinikkut isertitat aalajangersimasut angugaangamikkit utoqqalinersiaannik ilanngartuunneqalertarput. Tamanna akuerineqarsinnaajunnaarnikuuvoq, tassami utoqqartagut suli sulisinnaasut isertitaqalersullu ilanngartuuttarnersisigut sulinissaq imminut akilersinnaasutut isigiunnaartarpaat<sup>1</sup>.

Taamaalilluta utoqqaat piginnaasaat ilisimasaallu annaasarpagut aammali utoqqaat imminut napatilluarnissaminnut periarfissinneqanngitsoortarput.

Tamanna qaangertariaqarparput, utoqqartatta ukiualuit suli sulisinnaasutut misigisimatillutik suliffimmi suliinnarsinnaanerat periarfissaajuartariaqarpoq.

Ilami suna pillugu nunaqqatitta sulerusukkaluarlutik sulisinnaasusaannik killilersuissaagut? Suna pillugu inuit sulerusuppata pisinnaatitaaffiinnik paaaffigissavagut? Misilittakkat annertuut ilisimasallu pingaaruteqarluinnartut aningaasanik nalilersorsinnaavagut?

Utoqqaat utoqqalinersiami saniatigut isertitaqarsinnaanissaat killilersorunnaarniartigu, utoqqartatta namminneq piumassusertik aallaavigalugu sulisinnaasutut misigisimasussaata killilersorunnaarniartigu,

<sup>1</sup> [https://nalunaarutit.gl/groenlandsk-lovgivning/2025/selvstyrets-lovbekendtgoerelse-nr-40-af-05-05-2025?sc\\_lang=kl-GL](https://nalunaarutit.gl/groenlandsk-lovgivning/2025/selvstyrets-lovbekendtgoerelse-nr-40-af-05-05-2025?sc_lang=kl-GL)

# INUIT ATAQATIGIIT INATSIARTUNI



pisinnaatitaaffiannik piiiaaffigunnaarniartigit taamaalillutalu utoqqalinersiaqarsinnaatitaanerup saniatigut aningaasanik isertitaqarsinnaassusaannik killilersuijunnaarniarta.

Taamaalillunga siunnersuutigaara utoqqalinersiaqalerneru aningaasarsiaritinneqartartut saniatigut sulinikkut isertitaqarsinnaaneq killilersorneqarani akerlianilli utoqqaat aningaasarsiorsinnaanerata annertusarniarlugu utoqqalinersiaqarnerup annaasaqaataasaanerata maannakkumut atuuttup peerneqarnissaanik Naalackersuisut UKA2026-mi saqqummiusseqqullugit peqquneqassasut.

Partiit isumaat tusassallugu qilanaarpunga, qujanaq.

## **Pisortanut aningaasatigut allaffissornikkullu kingunerisassai:**

Naatsorsuigallernerit paasinarsisippaat, utoqqalinersianit isertitanut nalimmassaaneq peerneqarpat, december 2023-miit kisitsisit tunngavigalugit aningaasartuutitik siumut naatsorsuinerup takutikkaat, tamatuma utoqqalinersianut aningaasartuutit 2025-mi 69 mio. kr-inik qaffassasut aamma 2026-mi 74 mio. kr-inik qaffassasut naatsorsuutigineqarluni. 2036-p naanerata tungaanut aningaasat taakkua 109 mio. kr-inut qaffassagatinneqarput.<sup>2</sup>

## **Namminersortunut aningaasaatigut allaffissornikkullu kingunerisassai:**

Soqanngilaq.

## **Innuttaasunut aningaasatigut allaffissornikkullu kingunerisassai:**

Innuttaasunut iluaqutaasaaq utoqqalinersiaqaannarsinnaaneq aningaasarsiolunilu ingerlagasuarsinnaaneq periarfissaalerpat utoqqartagut piumassusillit suli suliffimmi sulisinnaasut sulissapput, allaffissornikkut naatsorsuisaqattaarnerup peerneqarneranik kinguneqarpat aningaasanik allaffissornerup iluani sipaarutaanngitsoornaviannngilaq.

---

<sup>2</sup> [https://ina.gl/media/osdinab0/019\\_2024\\_alderspension\\_mapav\\_akissut.pdf](https://ina.gl/media/osdinab0/019_2024_alderspension_mapav_akissut.pdf)